

和與道合真

鐘磬交振

伏以玉虛回運金剛混凝圓清體乾健之資
羽嬰鼓奏方厚表坤柔之德神蛇揚鳴徹三
界以雲羅擁十華而霧集誼歌空洞流金辟
斥於魔靈幢節飛玄憂玉奔澄於醜奕二儀
煥耀四炁朗清交神景於太无拱靈光於妙
有

混合二氣 表陰着陽 金和動瑞

玉潤靜昌 交感上下 格于十方

杳振玄宮 環珮鏘場 靈符所告

嚴肅壇場 秘範重宣 萬範開張

和與道合真

伏以陽經陰緯中疑感召之機地魄天魂內
胤和同之妙五億聲聞而氣應三千音朗以
神交玉宇霞明擁華芒於亮所金書雲煥散
靈彩於星壇肅八方之威神會三靈之仙聖
風雲混合出虛左列於珠鑄水月森羅同和
大張於碧落光光互映景景交融鳴九鳳於
寶林翠圓蕩樹唱八鸞於璇漢朱耀芙蓉

等肅對九清恭疏五濁啟琅函之秘典宣寶
笈之冲科通天地人期溥慈雲於九軌耀玄
元始庶凝湛露於八圓直贊真風仰依道氣
領袖凌雲之侶明儀偃月之傳結志同誠旋
行讚詠

敝大鐘磬

靈寶領教濟度金書卷之十四

正一天師清微弟子百堅製作 道教學術資訊網站

靈寶領教濟度金書卷之十五

洞微高士開光救苦真人審真授

靈寶通玄弘教水南先生林真編

科儀立成品 祈禱開 度通用

禮金籙燈儀

立班 上香

伏以混沌未分旋无色无淵之妙鴻濛既判
昭有形有氣之殊圓清上運於陽光方濁下
凝於陰暗域羅五億渾淪仙聖之都界布三
千磅礴鬼神之所判晦明於經緯別晝夜於
陰陽恢廓霄景之醫昏昭合晨輝之晃朗幽
開巽鬱顯契紫虛自非千枝璀璨以流華曷
俾三極陸離而散彩是以科遵金籙著然燈
之威儀教啟瓊囊昭降先之品格蘭蕙建設
蓮炬恢張額免摘烏燦一天之星斗遊龍躍
鳳舞六合之烟雲絳霞上耀於玉霄丹虹下
明於金粟分符法炬內映心燈生五藏之華
榮煥八圓之祭麗淪疏塵翳輝宅舍於福鄉
辟斥注殃超祖玄於道境有求皆吉无願不
符今有齋主某人躡潔蓬廬鋪張之陞澄清

夜氣敷神焰以焚煌晃朗朝華靡未氣而燁
燁勤拳虎拜稽顙龍震伏願玄澤旁流降紫
金之妙相洪恩曲蔭現白玉之毫光照燭陰
鄉開明陽境華燈互映千災隨燼以銷鎔寶
炬交騰萬福迷膏而煥萃提先亡於不夜昌
後胤於長春普及冥昧之鄉均化光明之界
恭遵瑤笈式演瓊科法眾運誠稱揚功德

燈光无盡天等

伏以地關天開廓神輝而洞照陽生陰長昭
靈景以回旋内外互融表裏瑩徹謹遵金錄
品格肅建然燈威儀於道戶上然二燈以照
住宅為齋主消災度厄安鎮宅神伏願福鄉
日永壽域春融瑞氣籠慈掃門庭之微谷祥
光煥爛襲步武之休符稽首皈依虔誠讚詠

正一陽光 焰上朱烟 開明童子

一十二人 洞照一宅 回及我身

百邪摧落 殺鬼萬千 光明朗徹

達真通靈 昇入無形 與道自然

和願得長生

伏以輝燦八遙蕩蘭臺之麗色彩凝四極燦

芝室之祥光陽華玲瓏隆靈炳煥謹遵金錄
品格肅建然燈威儀於本命上然三燈以照
三魂為齋主制邪度厄拘守三魂伏願三官
靜默六府虛圓北極流華洗紛葩於命樹南
辰耀景固純嘏於生根稽首皈依虔誠讚詠

陽光洞明 三魂自生 總錄百神

長附我形 日中齊景 永保無傾

和願得長生

伏以萬象含輝凝雲英之紫鳳二儀耀景敷
霞縈之丹虬利利俱融塵塵不立謹遵黃錄
品格肅建然燈威儀於行年上然七燈以照
七魄為齋主安神却禍制魄除邪伏願七神
回籍五氣彰符視履天開威精靈而伏匿敷
願帝錫調榮術以融怡稽首皈依虔誠讚詠

明燈攝光 遊精不飛 七魄安守

萬神總歸 月中齊景 長處光輝

和願得長生

伏以光燦銀缸映長生之果藥芳騰瑞鼎呈
不死之靈芽上徹雲層下流風澤謹遵金錄
品格肅建然燈威儀於太歲上然一燈以照

神明為齋主某人除落災害福慶來臻伏願
光凝泰宇德契乾元玉燭開祥迎四時之和
氣金莖薦瑞蕩八極之妖氣稽首歸依虔誠
讚詠

太陽流輝 光焰四方 洞照我身

七圍九重 內朗外明 洞達太空

和願得長生

伏以破暗續明藉天光之高映來晨照夜開
地禁之低迷有感斯通無幽不燭謹遵金錄
品格肅建然燈威儀於大墓上然三燈以照
遠代五墓為齋主拔度先亡托生淨域斷絕
注訟解除伏連伏願重陰散翳長夜生輝超
灶府之形神惡根殄瘁數南宮之性識善果
羅敷稽首皈依虔誠讚詠

太陰冥冥 萬劫無期 陽光洞燦

下照枯骸 魂度光明 鍊景反胎

得生淨境 歡樂熙怡 和願得長生

伏以三景開明廓神鄉而朗照八圓流映象
帝所以飛芒與道合真無文不度謹遵金錄
品格肅建然燈威儀於小墓上然五燈以照

近代丘墓為齋主拔度先亡神奏得生天堂
利祐見存福祚興昌伏願玄雲寒死惠露開
生萬安俱消度累鄴而超邁一真獨露昇碧
漢以逍遙稽首皈依虔誠讚詠

長夜冥冥 萬劫無開 景潛太陰

七魄蕩飛 朱靈童子 太陽洞輝

照明魂魄 神爽同歸 和願得長生

伏以晨華流映闕五苦以超凌陽景飛浮廓
三途而朗照普令幽夜俱證生方謹遵金錄
品格肅達然燈威儀於壇堂然七燈以照七
祖父母幽魂苦奕得生天堂伏願青華授記
朱火證真債訟水清流慶基於後裔注殃日
散襲福祉於先猷稽首皈依虔誠讚詠

天回地轉 代謝相催 九幽生光

七祖無虧 太陽開度 死魂應歸

明燈續夜 枯骸生輝 和願得長生

伏以照徹十方流神光於寥廓開明九夜騰
靈景於幽陰達炬生華蘭青呈彩謹遵金錄
品格肅達然燈威儀於中庭然九燈以照九
幽罪魂為齋主拔度九幽先亡罪與觀見光

明伏願寒庭噓暖夜空乘晨起死回骸掃蕪
航而利涉登真度命乘慧燭以躋攀稽首皈
依虔誠讚詠

九幽冥冥 萬劫無光 長夜閉魂

元始未彰 華燈續明 下照土皇

開度七祖 上生南昌 洞照一宅

世為仙王 和願得長生

伏以陽燧凝華煥三官之明景營儀流彩映
九府之祥光遐邁俱明巨織無隱謹遵金錄
品格肅達然燈威儀於天門上然二燈以照
宅舍為齋主驅邪捕害保護合門伏願紫樞
衍慶蒼昊無休椿桂凝芳耀歡聲於露月芝
蘭煥秀華真氣於光風稽首皈依虔誠讚詠

陽光開明 朱烟焰飛 太光童子

備守炎扉 洞照宮宅 四牕八開

驅鬼捕邪 萬精斬摧 三界敬護

世世不衰 羅真交會 日月同輝

和願得長生

伏以華蓋騰輝耀燈燈而交換太微布化凝
景景以互融上極太虛旁通有載謹遵金錄

品格肅達然燈威儀於地戶上然二十四燈
以照二十四生氣為齋主延壽益氣安福迎
祥注上生名削除死籍伏願金花潤晚玉樹
酣春道契天機削黑編於東岱德錫地累注
丹藉於南昌稽首皈依虔誠讚詠

三部八景 合成我身 二十四氣

以成我神 明燈自照 上闕太玄

身度水火 與氣自然 八景齊光

願得成仙 和願得長生

伏以乘巽履乾輝靈光於玉室面離皆坎煥
陽氣於霄衢有感斯通無文不立謹遵金錄
品格肅達然燈威儀於八方然八燈以照八
卦為齋主照明八達開映八宮八方開通八
神密衛伏願五路通達四極澄清氣翼扶
輅釐祺於宅舍保神安鎮消魔癘於家庭稽
首皈依虔誠讚詠

三景煥明 八卦開總 天氣靜閉

太陰隱光 華燈照冥 萬願皆從

身入光華 永享無窮 和願得長生

伏以碧落光浮影上搖於河漢玄虛彩轉芒

遙映於虹霓奕奕神燈煌煌靈景謹遵金錄
 品格肅建然燈威儀於四面中央然九燈以
 照九宮為齋主度九宮災厄成九宮仙君伏
 願紫山烟散定水光凝九壘書勤奏仙名於
 太赤五靈度苦削罪性於女青稽首皈依虔
 誠讚詠

九五分立 天地開張 玄光潛伏

太陰太陽 明我華燈 上照九宮

玄夜開朗 我願吉昌 和願得長生

伏以消陰啓陽廓神燈之照燭麗天煥地燦
 靈景之回煌三極輝明十華朗照謹遵黃錄
 品格肅建然燈威儀於十方然十燈以照十
 方為齋主照明十極招真降靈書名十天解
 釋災厄伏願凝真三素毓妙九靈名簡帝圖
 享太平之嘉運行書神錄脫繁蕪之妖氛稽
 首皈依虔誠讚詠

天開地閉 玄陰不明 焰上朱烟

為我通真 十方尊神 朗鑒我形

魂魄洞輝 自然元精 和願得長生

伏以象映華堂調金經而並煥形輝碧漢等

玉緯以交明星斗陸離風雲肅靜謹遵金錄
 品格肅建然燈威儀於四面然二十八燈以
 照二十八宿為齋主削除死籍益上生名南
 斗延年壯斗落死伏願景星呈彩流曜臨威
 壽比蒿衡度五靈之祿藉福同溟渤刊二極
 之仙圖稽首皈依虔誠讚詠

明星太煥 光流十門 玄精下映

九幽徹昏 我然華燈 秉光上聞

願得青蓋 照我形魂 和願得長生

伏以垂象著明紀神輝於二景憲天布化耀
 靈彩於三華上照諸天下開列壘謹遵金錄
 品格肅建然燈威儀於天門上然三十六燈
 以照三十六天為齋主開度七祖父母昇入
 天堂伏願天關布澤地軸承恩斷生死根登
 道臺而縱步超陰陽域升鸞圖以怡神稽首
 皈依虔誠讚詠

龍漢蕩蕩 三氣乘玄 梵行渺渺

彌羅大千 悠悠長魂 仰望綿綿

今日明燈 我願飛仙 與我七祖

同昇諸天 和願得長生

伏以亘天徹地昭丹焰之輝煌表陰者陽極
 黃坡之汗漫堪輿並照遐邇交明謹遵金錄
 品格肅建然燈威儀於五方然五燈以照五
 嶽為齋主書名仙籍保鎮身形状願萬緣烟
 靡千慶雲升行滿三千鎖洞天之日月疇符
 九五消福地之風波稽首皈依虔誠讚詠

五嶽靈山 安鎮五方 五帝尊神

神仙之宗 今日然燈 上照天王

記我命籍 度入仙宮 七祖解脫

同昇太空 和願得長生

燈光無盡天尊
 向來闢燈金錄簡文然燈威儀功德周圓伏
 願華燈不夜丹炬長春經緯三辰增靈光之
 照耀華夷四塞均神景之榮煌泉曲煥明幽
 臺皎麗飛潛動植咸鼓舞於陽精人鬼龍仙
 悉歡呼於帝澤群生攸遂品物數尊為如上
 緣志心禱念

燈光普照天尊不可思議功德

靈寶領教濟度金書卷之十五